

da tamische fränz

da tamische fränz
hât an lota daschlägn
in sein rausch in sein geit
hintan tenn intan wâgn
ehrlich wâhr

da tamische fränz
hât koa mäul voll nid gsâgt
und da richta der hât n
a nid går nid lâng gfrâgt
15 jâhr

da tamische fränz
is en kotta vakemm
15 jâhr ohne liacht
ohne luft ohne lebn
ohne end

da tamische fränz
hât se selba valorn
und er kräult hiatz sei ângst
und sein hâss und sein zorn
in de wänd

spielt's ma wâs kugalats
bidl wâs kugalats
spielt s ma wâs kugalats vi
spielt s ma wâs kugalats
's leben is mugalat
spielt s ma wâs kugalats vi

da tamische fränz
huckt en park ummanând
er hât augn ohne bodn
und a hechz ohne rând
kânn nid heahn

und er sauft wia r a loch
und er tânzt wia r a bär
und er lâcht wia r a râtz
und er liegt wia r a schä
auf da erdn

spielt s ma wâs kugalats

da tamische fränz
hât se selba hoamdraht
mit n kopf gegn de wând
intan schnea gânz wawaht
is a glegn

en tamischn fränz
hâmb se gânz tîaf eingrâbn
gânz weit weg gânz in eck
ba de gânz ba de låbn ohne segn
spielt s ma wâs kugalats